

明神宗實錄

卷五三四至五七五
萬曆四十三年七月至
四十六年十月

大明神宗顯皇帝實錄卷之五百三十四

萬曆四十三年七月丙午朔孟秋子 太廟遣侯吳汝胤恭代
侯梁世勲宋光夏公獻丁夫大學士方從哲吳道南言昨接
薊鎮督撫薛三才等揭稱通州三河等處劫掠蜂起始於饑民
之潰聚繼以姦民之乘機所請發帑開倉停徵改折等事誠救
荒急務臣等則謂發帑出自特恩其多寡應候 聖裁至於應
徵各項錢糧當蠲首屆當緩者緩當折者折及發臨德倉糧分
給被災州縣聽其便宜雖買俱行戶部酌議外惟是急發通倉
米數萬石以分賑鄰近處所則朝奉旨而饑民可夕受其惠此
救焚拯溺之第一著 皇上所當立斷者也 甘肅巡撫荊州
俊疏群紅沙所報人畜之損失名數與按臣所報不異而科臣
吳亮嗣參其欺罔乞勅該部速查臣與按臣先後兩疏治臣之

罪上曰這太僻事情已知之矣判州促著遵旨候代前來供職不心漬弊○陞翰林院編修公魯為國子監司業編脩汪輝為南京國子監司業○陞河南參政曹錕為按察使江西副使李克敏為參政原任廣東參政文立謫為湖廣參政浙江副使熊宇奇為湖廣參政汾州知府劉一全為雲南副使○保定侯梁世勲奏飲例季終會官查照侍衛人員報可○戊申以溫肅端靜純懿皇貴妃王氏墳園工完遣工部右侍郎林如楚謝土○己酉仁孝文皇后忌辰奉先殿行祭禮遣官祭長陵○四川巡撫吳用先因科臣郭尚賓奏劾上疏自辯言督師雅州從時軍旅戒嚴何從給募緣之札若建南一役費盡心力減兵省餉幸而平賊班師此賴將士戮力司道府縣之協贊是則題款以致將來何敢以犒勞掃穴自若而妄為徵賞又謂

自說無能惟有一去 上優詔留之○總督宣大兵部尚書涂宗濬疏辭詹鑒言臣往撫延綏前後五載志惟安于無事念不求其有功每因燕喜之樂遽未免興師而戰亂仰惟 皇上之福實徵 廟社之靈臣雖命馳驅未克親冒矢石而承茲特異之典益深隕越之憂 上曰提報加恩已有成命不必遜辭○前總督撫薛三才兵崇禎各奏歲輔早災饑民聚亂懇乞 聖慈大賜蠲賑以收人心併停本年應徵帶徵錢糧與各衛所屯糧議改議折 上曰歲輔早災異常以致饑民聚搶奪着先發通倉米七萬石分賑被災處所務使人沾實惠如有姦民乘機劫掠的行各該有司官嚴拿治罪以靖地方無得姑息養亂其錢糧應蠲折及發漕粟等事着該部詳議具奏○戶部奏實賜萬曆四十一年軍士冬衣布花報可○年亥時畿輔民饑甚

督撫諸臣跪請大發臨恩二會蒙平釋以遺亂民 上少戶部
達議以聞○陞應天府尹黃永玄為都察院右副都御史巡撫
福建西寧道左布政使祁光宗為都察院右副都御史巡撫甘
肅○陞大理寺寺丞王士昌為大理寺右少卿御史孔貞一為
大理寺右寺丞添註○陞戶部郎中王應乾為浙江僉事○癸
丑禮部請復舊求舉人勞養魁梁千輝鍾聲朝及承天諸生十
一名准其會試肄業先是督奏監等為學家控誣妄報說監李
鳳致干 聖怒革其衣冠屢經先後撫按訪覈為之訟寃故禮
部請收復之 上憐其無辜俱准會試收復肄業○陞叅議熊
尚文為尚寶司卿○陞山東按察使應汝化為江西右布政使
福建叅政陳德元為山東按察使湖州知府吳文金為江西副
使○予原任南京禮部尚書黃鳳翔祭二壇仍加祭一壇遣官

巡撫江西右副都御史王佐再疏乞歸 上再留
之○甲寅兵部覆萬曆四十一年十月內巡按陝西畢懋嘉題
薦平虜原任參將滿國振雖於三十九年因出邊採木微有陳
失緣係該道有行催促所損人畜不多已經追回過半至四十
年張酋再犯國振揮戈逐虜賈勇先登共斬首至一百七十七
顆奪獲馬駝戈器以千百計而本官卻丁獨斬七十二顆自此
一戰之後四年來張定離邊款虜遵約兩河烽火不警邊民耕
牧安然全鎮大受其利而國振罷官何以激勵敢戰之士合無
將滿國振准以原官起用遇有參將員缺即行推補仍重加優
賚庶賞罰明而邊將益知感奮矣 上從其議○初巡按貴州
御史毛一鷟疏言苗仲披猖天誅難緩而川湖惴惴殄殲其抱
欠至數倍于正額請 皇上慨發內帑十萬金使得徵兵克餉

分道升進賄賂中數百年之安懷下可得則惟有勅撫臣先相
議行事而受分道酌議或猶可矣且夕何謂相機行事蓋此時
大舉不能姑待不可姑擇一二肆毒最慘者以計賜之兵不足
暫借力于工司餉不足或因糧于賊寨此撫臣可以徑行者何
謂分道酌議請就楚蜀滇粵分畫疆圉如平溪清浪鎮遠偏橋
一帶雖係黔境實屬楚地議征勦則合兵力于楚楚不得以憫
添藉口而緩調發畢節永寧赤水烏撒一帶雖係黔地實屬川
蜀議征勦則合兵力于蜀蜀亦不得以憫添藉口而緩調發若
都勻定遠廣順懷陽數處粵西所遺之孽種也議征勦則資兵
力于粵粵來調發不便亦當酌議協濟以分黔之痛苦安普定
安莊平相尋處滇南所馳之孔道也議征勦則資兵力于滇滇
一月於不便亦當酌議協濟以赴黔之憂蓋在四省不過捐涓

清以自為其於疆而在然則可以為欲變極漸之策此非撫臣
可以徑行首與部題覆請用兵大事難以遲度通省勦殺事非
容易必衆論會同撫按合疏而後臣部可據以酌議至如總兵
鄧鍾烈循玩寇恂守陳寅秦越異視龍萬化之觀望不前李一
鳴之未聞聲援作何分別議處毋貽主上南顧之憂上曰
苗仲泥善地方亟宜勦肅一應兵餉事宜及應處各官着撫按
臣會議得當具奏○總督陝西三邊兵部左侍郎劉敏寬報延
鎮市事既完其獎賞該官當順夷情而不可緩寧鎮夷虜搶掠
要挾市事未竣當如撫臣所謂應聽自來夾則市不來則不市
除寧鎮俟通完報至另行具題外延鎮兩平官民易過馬牛羊
共四千二百九匹隻其應貢上馬匹已先送宣大督臣差官
代進及留邊馬匹亦給軍兵騎操訖理合報知詔下該議○乙

印 瑞王親迎受醮戒制曰嘉禮屆期闕家伊始敬神無替勉
副詞隨出府戎婚有旨免百官赴府行禮○巡按直隸御史
李嵩陳目前踴賑之法內言賑者賑其貧也若止據里書直視
恐貧者未必給給者未必貧合嚴諭州縣正佐自備壺飧量帶
驢從分重郊原逐一查視其貧者即登簿鈐票票令貧戶收報
俟領米日對同給散則胥役不得高下其手矣賑首期于享賑
之利也聚十萬衆于城市中守費之吾得不償失矣無以積米
所在為率酌村落之遠近為腳價之多寡令民間有車者輦之
各鄉即出其米之譜餘價之仍諭州縣正佐各于原直地方驗
票俵給則貧民不至扶携道路矣至于踴存留不踴起運是名
為踴而實不踴暫踴停徵若驟近民以小喜終不踴并追是重
通民以難堪故踴存留不苦踴起運之為益也暫踴之不如終

雖之為益也雖然議振勇議蠲難今邊餉動遲至數月督催之
令急如星火顧安得所剩餘而貸之惟 皇上一旦詔發督金
數十萬以抵災民今歲田租之半則有蠲之利無蠲之害有蠲
之名并有蠲之實將吹枯賡稿普沾浩蕩之恩夫不報○以巡
撫南贛汀韶右僉都御史孟○脉病為懇辭命吏部議○丙辰
戶部覆撫督撫疏中請登臨德二倉以賑饑民意非不善但二
倉實在米止五十一萬八十餘石皆係軍儲豈容易于別項支
用今條議六策以備揀擇一議于臨清倉發六萬石于德州倉
發四萬石其價值一如三十五千每石粳米六錢粟米五錢若
搬運路有遠近價有增減又在督撫隨時酌定一議于豐收地
方火速移文令其量留解京錢糧運委廉幹官員平價收買難
糧運至近京地方聽本處督撫計其原價腳費委官吏發缺米

州縣平糶一議得順天府屬每年該積備荒穀一萬二千餘石
永平府屬每年該積備荒穀共三千餘石合無移咨督撫照歷
年考滿冊所數數目某縣災重某縣災輕或移民或移粟一聽
本處有司設法賑濟一議得古人有興作以濟饑荒今宜倣而
行之如畿南新建胡良巨馬二橋仰以為食者豈止萬餘人至
于三殿大工并正陽門首接儻于此時擇吉肇建無論所存
活饑民無算且人多工賤得以坐牧事半功倍之効一議得搶
劫不啻饑民近時州縣有捕獲首犯往往皆馬房軍也以姦軍為
首以饑民為翼合無設法一體接濟其嘯聚不即解散者聽地
方官當時捕獲處以峻法一議得近日甘肅既沛晚禾可望况
今見有通倉七萬之賑濟臨德倉十萬之平糶目前藉此稍瘳
然安能慈斷云總臣部仍行本處督撫查今米并晚禾收入可

以接濟至何時及今議留解京錢糧平價收買雜糧運登平糶
并各屬每斗備荒積穀消數若干俱備細查明具奏或咨部以
便酌議 上曰畿輔旱災異常這條議六事有裨荒政內前樓
工程著即擇吉修舉門殿等工待禪服後來奏其餘的依擬著
實行○南京署都察院右僉都御史羅朝國疏言南都右都御
史八九年來無人十三道御史不過三人耳扶聞已迫而監臨
監試誰任大察屆期而登明黜幽誰司上下兩江時聞萑苻之
警倉亡二著時懼庚癸之呼淮海東西時慮島夷之橫賴有諸
御史彈壓之今有人不用有缺不補使使當事一二馳東騖西
顧此大役能不煩 皇上南顧之憂已將新選御史曹汝蘭等
三人速賜批發以濟燃眉南都幸甚不報○丁巳陞右庶子周
道登為左庶子掌左坊印信右諭德溫體仁為左庶子管理詔

勅修撰楊守勛為左中允編修吳宗達為右中允○戊午 孝
安皇后忌辰遣官祭 昭陵○大學士方從哲吳道南言 祖
宗舊制 親王行冠禮之後即出閣講學今 瑞王業已出府
成婚則設官開講似不容已望 皇上勅令禮部開具儀注講
讀等官令吏部照例選補併勅欽天監揀擇吉日刻期開講庶
親藩之令德可成而 帝室之維新有賴矣○庚申中元節祭
長陵等陵遣侯薛濬陳良弼宋光夏李邦鎮伯毛國器朱自洪
王承勲趙祖芳李誠鉅各行禮○祭 恭仁康定景皇帝遣伯
張嘉猷行禮○祭 哀冲 莊敬二太子遣指揮同知許潘祥
行禮○祭 孝定皇太后几筵前行禮○以禮部右侍郎何宗
彥為左侍郎照舊署掌印務孫如游以右侍郎四部管事○陞
錢一鵬為詹事府丞○省免凡人王常等加號以刑部奏矜恤

也○壬戌甘肅撫按荊州俊董定策各奏該鎮猛士如林惟是
距省三千里應揚難赴以致材勇灰心請比遠宣戍例議開武
科以場則設於甘鎮地居適中以額則定於三十數稱當可以
費用則取足於五道課稅多方裁節俾軍民無加賦之煩且一
鎮三年雖增武舉三十人然皆儲本鎮之用無隘別鎮之額矣
部議覆從之○陞嚴州知府吳玄為廣東副使工部郎中錢時
俊為四川叅議○戶部推管理鈔關屬員游墾遣主事張大猷
往河西務遣主事熊膏往覈可○癸亥 成祖文皇帝忌辰
奉先殿行祭禮遣官祔 天陵○巡撫山東右僉都御史錢士
完疏言東省六郡自正月至六月不雨田禾枯稿千里如焚耕
耨既失蜂起搶奪相率而求一飽臣即出示撫戢以定人心發
倉糴以濟緩急然倉儲有限歲月尚遙難救目前終難久恃宜

得萬曆三十八年 皇上發內帑十五萬臨清德州倉米三十萬石云賑直隸山東山西河南等處臣未敢泛請獨臨清德州二倉以原貯東民之脂款東民之急于理既順于例又合易搶奪而享恭寧實為便計 上曰該省旱災異常蠲恤事宜着戶部酌議具奏○簡查蘇杭織造錢糧內監呂貴解進春季龍袍并乞查點督織官員 上曰這所奏春季運龍袍撫按委官押解前來已收用矣其秋運龍袍并簡查各項錢糧爾還即會同撫按速行清查明白解進應用○甲子兵部署部事左侍郎崔景榮題秋防事宜言遼無大山峻嶺可扼險以為固且其河流沙磧更難畚築以為功寧前高平一戰之聲援易阻率燧燵花三面之重涎可虞且奴兒哈赤數年反覆一旦退地銷盟滅夷脣貢似可相安於無事但近因白酋許婚煖免遂欲逞志北闕憂

端一割淦盟可慮若非枕戈戒備何以弭亂於將萌蕭雖層疊
豐障號稱天險然寇在門庭舉趾即是內地近日滿旦挾賞一
犯敵者烽耳犯松嶺峰三犯松棚路虜何時無乘虛伺隙之心
而況今又值秋高馬肥之候 宸若咫尺未可一息忘戒備也
宣大為 陵宮右臂卜素二酋擁衆恃強擾攘七年頃封事已
完表馬入貢封疆固稱無虞但虜全部臨邊久未回巢在我未
可易視又近聞素囊患痘垂危恐一旦物故虜情變動然則款
可長恃而備可不預耶山西虜患較他鎮為熾然鴈門密邇雲
中虜一日可至寧武之盟道梁最為衝要禁山林木多被盜伐
則騎騎易馳偏老以東為順義以西為古囊虜若大舉石州之
禍可為慮中尚可謂三晉為內地哉延寧甘肅諸酋近多款順
然邊長兵寡守禦為難在廷鎮則必計撫牌猛克諸酋叛服不